



NAMIBIA VOTES 2024

OMAHOGOLOLO GOPAUPRESIDENTE NIILYO YOMUTUMBA GWOPASHIGWANA

27 NOVOMBA 2024

Aahogololi ayeshe ye na uukalata otaya kumikwa opo ya longithe uuthemba wawo wopaudemokoli okuhogolola pethimbo lyOmahogololo gOpaupresidente niilyo yOmutumba gwOpashigwana momasiku 27 Novomba 2024.

EHOGOLOLO LYOPAUPRESIDENTE

Pamautho gokatendo 28(2) kEkotampango lyaNamibia, Omupresidente gwaNamibia oha hogololwa meukililo komuyalu gwaahogololi oyendji okupitila momukalo ngoka aakuluntu ayehe ye na uuthemba wokuhogolola taya kutha ombinga shi thike pamwe. Omukalo gUwindji womawi gaahogololi (plurality system) ohagu longithwa mOmahogololo gOpaupresidente, moka omuulikwahogololwa/okandidate ndjoka tayi sindana tayi tegelelwa yi kale nomawi ge vulithe poepelesenda omulongo ntano (50%) gomawi ngoka ge mu hogolola. Pompito mpoka kaa pe na omuulikwahogololwa/okandidate ya mona omawi ge vulithe oopelesenda omilongo ntano dhomawi, nena omahogololo otaga shuna mo, ihe ookandidate/aahogololwa awike yaali mboka ya li nomawi ogendji oyo taya kutha ombinga. Omuhogololwa/okandidate ndjoka tayi ka mona omawi goepelesenda odhindji medhingoloko ndika etiyali oye ta ningi omusindani.

ESIKU LYEHOGOLOLO LYOWINA

Omalongekidho oga ningwa opo aahogololi ayeshe ya kale ya hogolola, mwa kwatelwa aaniilonga yomefuta, aanambelewa naahogololi pondje yoshilongo momasiku 13 Novomba 2024 mohala taga tothwa moWalvis Bay, Luderitz, Oranjemund oshowo oombelewa dhuukalelipo waNamibia miilongo moka mu na omahala gokuhogololela ngaashi tashi uthwa Pashitopolwa 64 (2) (a-c) shOveta yOmahogololo, (Oveta onti-5 yomumvo 2014). Aakwiita lyEgameno (NDF), Aapolisi oshowo Aanambelewa yEkalekepo lyEgameno mboka taya ka kala miilonga eti 27 Novomba 2024 otaya hogolola wo momasiku 13 Novomba 2024 pomahala gwokuhogololela taga tothwa mo.

EHOGOLOLO LYIILYO YOMUTUMBA GWOPASHIGWANA

Omukalo gwetopolo lyomawi (proportional representation electoral system) ohagu longithwa momahogololo ngaka, shi ikwatelela komisholondondo dhomadhina giilyohogololwa ga gandjwa koongundu dhopapolitika. Ano ongundu keshe yopapolitika ya kutha ombinga otayi tegelelwa yi gandje omusholondondo gomadhina giilyo andola omilongo ndatu nambali (32) nenge inaga konda iilyo omilongo omugoyi nahamano (96), shoka tashi ka etitha opo ku monike omukalo gokuutha omawi giipindi momutumba gwopashigwana kongundu keshe ya adha omawi taga etitha okumona oshipundi nenge iipundi pamukalo gweyalulo lyoshipundi shimwe (quota) shi ikwatelela komawi ngaashi tashi uthwa Pakatendo 46 (1) (a).

EYALULO LYIIPUNDI MOMUTUMBA GWOPASHIGWANA

Oshiholelwa sheyalulo: Omawi ageshe ga yalulwa ngele oge li 824 929, ndele iipundi oyi li 96 mOmutumba gwOpashigwana, nena – oquota otayi yalulwa ngeyi; 824 929 ya topolwa niipundi 96 shoka tashi ti oshipundi shimwe oshi na okukala nomawi 8593. Omawi ageshe ga hogolola ongundu yopolitika otaga topolwa no-quota opo shi uthe oshipundi nenge iipundi mbyoka yi na okumona, oshowo iihupe yomawi ngele oya adha omuyalu gwoshipundi nenge iipundi. Ongundu nenge oongundu otashi vulika dhi likole oshipundi nenge iipundi mOmutumba gwOpashigwana okuza meyalulo ndika lyomawi oshowo iihupe. Otashi vulika oongundu dhimwe kaa dhi mone oshipundi nenge iipundi medhingoloko lyeyalulo lyotango lyo-quota, ihe molwiihupe yomawi otashi vulika dhi mone oshipundi nenge iipundi medhingoloko etiyali lyeyalulo lyo-quota. Iihupe yomawi oyo mbyoka hayi thigala po konima ngele omuyalu agushe gomawi ga hogolola ongundu ndjoka ya hupa ko ndele tayi topolwa no-quota nenge ya adha omawi go-quota. Ongundu nenge oongundu dhi na iihupe oyindji yomawi oyo nenge odho tadh pewa po iihupe yiipundi mbyoka ya hupa po, tashi ningwa palandulathano lyiihupe yi li pombanda nenge oyindji.

ALIKANA NDHINDHILIKA:

1. Omahala gwokuhogololela otaga patuluka okuza 07h00 sigo 21h00.
2. Aahogololi mboka ye na omaulema, oomeme ye li momategelelo nenge taa yamutha naakulupe otaya pewa ompito yotango momikweyo.
3. Ino dhimbwa nande okufaalela okakalata koye komahogololo pehala keshe li li popepi nangoye opo wu pitikwe okuhogolola
4. Shi nasha nOmahogololo gOpaupresidente niilyo yOmutumba gwOpashigwana, Namibia alishe ohali talika ko ongoshikandjohogololo shimwe, ano omuhogololi ota vulu okuhogololela pehala keshe moshikandjohogololo keshe moshilongo, kutya nee ha mo i ishangithila.
5. Okuhogolola otaku ka ningwa pakulongitha uumbapila uyali wokuhogololitha wa yoololathana – okambapila kamwe Omahogololo gOpaupresidente nokakwawo Omahogololo gliilyo yOmutumba gwOpashigwana.

TULA EWI LYOYE MOKAKETHA



SHILIPALEKA KUTYA OWA HOGOLOLA – EWI LYOYE OLI NA OSHILONGA!

NAMIBIA VOTES 2024

NKENE WU NA OKUHOGOLOLA PAKULONGITHA OMBAPILA YOKUHOGOLOLITHA

01




Omunambelewa gOmahogololo ta gandja ombapila yokuhogololitha komuhogololi.

Omuhogololi ta ningi okakombo X pombapila yokuhogololitha u ukilila omuhogololwa, ongundu nenge ehanganano lyehogololo lye.



02

03



Omuhogololi ta gonyo o mbapila yokuhogololitha.

Omuhogololi ta tula ombapila yokuhogololitha mokaketha, tashi ti okwa mana ihe okuhogolola.



04